



20. februar 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

**1. Illunik nioqquteqarnermi atuisatut illersornqarnissaat pitsanngorsarniarlugu Naalackersuisut suliniutinik sunik aallartitsissamaarpat?**

**2. Naalackersuisut isumaqarpat nassuiaat "Illunik misissuisarnermut aaqqissuussineq aamma nukimmullu nalunaaqutsiisarneq" november 2017-meersoq tatiginarpa, kisitsit saqqummersinneqartut eqqarsaatigalugit?**

**3. Naalackersuisut isumaat naapertorlugu illunik piginnittunut qanoq kinguneqassava, Inatsisartuni amerlanerussuteqartut Naalackersuisut peqqussagaluarpatigit illup qanoq issusaa pillugu nalunaarusiortarneq, piginnittut nikinneranni sillimmasiisarneq ilaalu ilanngullugit atortussanngorteqqullugit? Naliliinermi inoqarfinni ataasiakkaani illunik piginnittunut pissutsit atuuttut ataqqineqassapput.**

(Inatsisartunut ilaasortaq Justus Hansen, Demokraatit)

**Tungavilersuut**

Illunik nioqquteqarnermi atusartut illersorneqarnissaat piunngitsutut oqaatigisariaqarpoq taamaattumillu ajoraluartumik ilaannikkut ilaqutariit/inuit ataasiakkaat illumik pisinnerminnut atatillugu assorsuaq immikkut akiligassaqaleriataarsinnaasarput allaat illusiaminniiginnarnissartik akissaaruttarlugu aamma illup tuninissaanut akissaaruttarlutik, illup nalingata ilarujussua annaaneqartarmat. Tamannalu aningaasaataarunnermik kinguneqartarpoq.

Danmarkimisut illup qanoq innera pillugu nalunaarusiortalernissap piginnittullu nikinneranni sillimmasiisalernissap nunatsinni atorineqalernissaat siusinnerusukkut sulissutiginiuuara. Aamma sulii sulissutigaaakka, peqataanilli nassuerutigissavara pisakka misissorneqarsimmamata ("Illunik misissuisarnermut aaqqissuussineq aamma nukimmullu nalunaaqutsiisarneq november 2017) tassanilu ersarilluinnartumik innersuussutigineqarpoq, taamatut aaqqissuussineq pisisumut, tunisisumut Namminersorlutik Oqartussanullu akisoorujussuusussaasoq.

Taamaakkaluartoq isumaqarpunga sulii ajornartorsiummik iluarsineqanngitsumik peqartugut taamaattumillu suliarisariaqartumik. Tamanna tungavigalugu paaserusuppara, immikkoortumi atuisartut illersornissaat siunertarlugu Naalackersuisut suliniutinik sunik aallartitsiniarlutik pilersaaruteqarnermut aamma taamatut paaserusuppara Naalackersuisut naliliinerat qanoq kinguneqassanersoq illup qanoq issusaa pillugu nalunaarusiortarneq, piginnittut nikinneranni sillimmasiisarneq ilaalu ilanngullugit inatsisitigut piumasaqaataalissagaluarpata.



**DEMOKRAATIT**  
DEMOKRATERNE

Tamanna tunngavigalugu qilanaarpunga apequtima ullut sulliviit nalinnaasut qulit iluanni akineqarnissaannut.